

## Møteinnkalling

<b>Utval:</b>	Fellesnemnda-AU
<b>Møtestad:</b>	Scandic Sunnfjord Hotel & Spa, Førde
<b>Dato:</b>	26.03.2019
<b>Tid:</b>	13:00

Du vert med dette kalla inn til møtet i fellesnemnda-AU tysdag 26. mars.

### Program:

13:00 – 13:10 Opning av møtet

13:10 – 13:45 Presentasjonar

- Arbeid med alternative framlegg til fylkesvåpen
- Arbeid med reglement for folkevalde organ

13:45 - Saksbehandling

17:00 Dialogmøte på Øyrane vidaregåande skule, Førde

Dersom nokon av utvalet sine medlemmer ikkje kan møta og må melda forfall, vert dei bedne om å gjere dette snarast ved å fylle ut skjemaet på [www.hordaland.no/forfall](http://www.hordaland.no/forfall) eller sende melding til [folkevalde@hfk.no](mailto:folkevalde@hfk.no).

Innkallinga gjeld valde medlemer i Fellesnemnda-AU. Ved eventuelt forfall frå faste medlemer vil varamedlemer bli kalla inn særskilt.



Anne Gine Hestetun  
leiar

## Sakliste

<b>Utvals- saknr</b>	<b>Innhald</b>	<b>Arkiv- saknr</b>	<b>U.Off.</b>
PS 7/19	Godkjenning av møteinnkalling og sakliste		
PS 8/19	Godkjenning av møtebok FN-AU 04.02.19	2019/3389	
PS 9/19	Referatsaker (skriv og meldingar)		
PS 10/19	Ymse		
PS 11/19	Fylkesvåpen for Vestland -framlegg til utarbeiding av alternative forslag	2015/1434	
PS 12/19	Reglement for klagenemnd, administrasjonsutval og medverknadsorgan	2018/16486	

**PS 7/19 Godkjenning av møteinnkalling og sakliste**

Arkivnr: 2019/3389-1  
Saksbehandlar: Anita Fjellheim

	<b>Saksframlegg</b>	
<b>Saksgang</b>	Saknr.	Møtedato
Utval		
Fellesnemnda-AU	8/19	26.03.2019

## **Godkjenning av møtebok FN-AU 04.02.19**

### **Forslag til vedtak**

Møteboka vert godkjent.

*Saksframlegget er godkjent elektronisk og har derfor inga underskrift.*

### Vedlegg

- 1 Møteprotokoll FN-AU 04.02.19

**Utval:** Fellesnemnda-AU  
**Møtestad:** Fylkesutvalsalen, 3.etg., Fylkeshuset, Agnes Mowinckelsgt. 5. Bergen  
**Dato:** 04.02.2019  
**Tidspunkt:** 14.00 – 15.35

**Følgjande faste medlemmer møte:**

Namn	Funksjon	Representerer
<u>Hordaland</u>		
Anne Gine Hestetun	Leiar	A
Pål Kårbø	Medlem	KRF
Silja Ekeland Bjørkly	Medlem	H
<u>Sogn og Fjordane</u>		
Bjørn Erik Hollevik	Medlem	H
Jenny Følling	Nestleiar	SP
Sigurd Erlend Reksnes	Medlem	SP

**Følgjande medlemmer hadde meldt forfall:**

Namn	Funksjon	Representerer
<u>Hordaland</u>		
Terje Søviknes	Medlem	FRP
<u>Sogn og Fjordane</u>		
Åshild Kjelsnes	Medlem	A

**Følgjande varamedlemmer møte:**

Namn	Møtte for	Representerer
<u>Hordaland</u>		
Anne Beth Njærheim	Terje Søviknes	FL H/FRP/V/MDG
<u>Sogn og Fjordane</u>		
Trude Brosvik	Åshild Kjelsnes	KRF

**Merknader****Frå administrasjonen møte:**

Namn	Stilling
Rune Haugsdal	Prosjektleiar
Thorbjørn Aarethun	Seniorrådgjevar, Hordaland
Anne-Kjersti Stavø Stenehjem	Seniorrådgjevar, Sogn og Fjordane
Lisa Marie Hillestad Ålsberg	Rådgjevar, Sogn og Fjordane
Per Morten Ekerhovd	Fylkesdirektør kultur og idrett, Hordaland
Bertil Søfteland	Leiar fylkessekretariatet, Hordaland
Merethe Helland Nordnæs	Møtesekretær, seniorrådgjevar, Hordaland
Anita Fjellheim	Spesialkonsulent, fylkessekretariatet, Hordaland
Sigrid Helene Aardal	Seniorrådgjevar, fylkessekretariatet, Hordaland
Ole Vegard Skauge	Seniorrådgjevar, fylkeskonservatoren, Hordaland
Jennifer Fossnes	Seniorrådgjevar, kommunikasjon, Hordaland

## Sakliste

Utvals-saknr	Innhald	Arkiv-saknr	U.Off.
PS 1/19	Godkjenning av møteinnkalling og sakliste		
PS 2/19	Godkjenning av møtebok 09.11.18 og 27.11.18		
PS 3/19	Referatsaker (skriv og meldingar)		
RS 1/19	Fylkesvåpen for Vestland fylkeskommune - melding om vidare prosess og arbeid med alternative framlegg	2015/1434	
RS 2/19	Nye Vestland fylkeskommune møter kommunane - møtedatoar og invitasjon	2015/1434	
PS 4/19	Ymse		
PS 5/19	Reglement for godtgjersle og arbeidsvilkår for folkevalde i Vestland fylkeskommune	2018/16486	
PS 6/19	Utarbeiding av reglement for folkevalde organ i Vestland fylkeskommune	2018/16486	

### **PS 1/19 Godkjenning av møteinnkalling og sakliste**

#### **Saksprotokoll i fellesnemnda-AU - 04.02.2019**

##### **Vedtak**

Møteinnkallinga og saklista vart godkjent utan merknader.

### **PS 2/19 Godkjenning av møtebok 09.11.18 og 27.11.18**

#### **Saksprotokoll i fellesnemnda-AU - 04.02.2019**

##### **Vedtak**

Møtebøkene frå FN-AU 09.11.2018 og 27.11.2018 vart godkjente utan merknader.

### **PS 3/19 Referatsaker (skriv og meldingar)**

#### **Saksprotokoll i fellesnemnda-AU - 04.02.2019**

Referatsakene RS 1/19-2/19 vart refererte.

### **PS 4/19 Ymse**

#### **Saksprotokoll i fellesnemnda-AU - 04.02.2019**

Det var ingen saker under ymse.

## **PS 5/19 Reglement for godtgjersle og arbeidsvilkår for folkevalde i Vestland fylkeskommune**

**Saksprotokoll i fellesnemnda-AU - 04.02.2019**

### **Røysting**

Prosjektleiar si tilråding var samrøystes vedteke som innstilling til fellesnemnda.

### **Innstilling til fellesnemnda**

1. Fellesnemnda fastset reglement for godtgjersle og arbeidsvilkår for folkevalde i Vestland fylkeskommune, slik dette ligg føre i vedlegg 1.
2. Fellesnemnda vil eventuelt vurdere reglementet for godtgjersle og arbeidsvilkår dersom delegeringsreglementet medfører betydelege justeringar av roller, ansvar og mynde. Prosjektleiar utarbeider framlegg til politisk delegeringsreglement til fellesnemnda første halvår 2019.
3. Fellesnemnda vil vurdere samla kostnader knytt til folkevalde sin politiske aktivitet dersom oppgåvestrukturen for fylkeskommunane vert endra utover det som no er kjent.

## **PS 6/19 Utarbeiding av reglement for folkevalde organ i Vestland fylkeskommune**

**Saksprotokoll i fellesnemnda-AU - 04.02.2019**

### **Røysting**

Prosjektleiar sitt forslag vart samrøystes vedteke.

### **Vedtak**

FN-AU tek saka til drøfting og orientering.

**PS 9/19 Referatsaker (skriv og meldingar)**

**PS 10/19 Ymse**



Arkivnr: 2015/1434-750

Saksbehandlar: Ole Vegard Skauge

**Saksframlegg****Saksgang**

Utval	Saknr.	Møtedato
Fellesnemnda-AU	11/19	26.03.2019

**Fylkesvåpen for Vestland -framlegg til utarbeiding av alternative forslag****Samandrag****Prosjektleiar legg opp til følgjande prosess vidare:**

1. Variant av det tilrådde alternativet – tilbydar C natur og landskap - vert lagt til grunn for utarbeiding av fargealternativ. Arbeidet med alternative grønfargar av vinnarforslaget vert ført vidare. Ei tilråding som ser vinnarforslaget, varianten og fargealternativ i samanheng vert lagt fram for Fellesnemnda sitt arbeidsutval (FN-AU).
2. Dei 3 nye motivforslaga knytt til Gulating vert utarbeidd og ferdigstilte slik det kjem fram i saksutgreiinga. Det vert forsøkt utarbeidd både abstrakte og figurative variantar. Det vert lagt fram sak til Fellesnemnda sitt arbeidsutval (FN-AU) med tilråding om kva for eitt av dei nye alternativa som skal leggjast fram for Fellesnemnda.

**Forslag til vedtak**

Arbeidsutvalet til Fellesnemnda slutter seg til framlegget til vidare prosess frå Prosjektleiar slik det kjem fram i saksutgreiinga.

Rune Haugsdal  
prosjektleiar

*Saksframlegget er godkjent elektronisk og har derfor inga underskrift.*

## Prosjektleiar, 19.03.2019

Prosjektleiar gjer nedanfor greie for arbeidet med saka, i tråd med Fellesnemnda sitt vedtak av 19.12.2018. Saksutgreiinga fylgjer i det store rekkefølga i vedtaket.

### Bakgrunn

Prosjektleiar viser til Fellesnemnda sitt vedtak av 19.12.2018:

*«Fellesnemnda ber administrasjonen arbeide vidare med saka og jobbar fram med alternativ med utgangspunkt i dei forslaga som er kome fram i møtet.»*

Fellesnemnda framla oversendingsforslag frå Jenny Følling(SP) saman med vedtaket:

*«1. Fellesnemnda ber om forslag på alternative grønfargar på tilrådd alternativ – tilbydar C natur og landskap.  
2. Fellesnemnda ber om at folkefavoritten vert bearbeidd vidare og framlegg på historisk samlande motiv.»*

Fellesnemnda framla også oversendingsforslag frå Gunhild Berge Stang (V) saman med vedtaket:

*«Fellesnemnda vil i det vidare arbeidet med nytt fylkesvåpen gå vidare med Gulatinget, Onarheimsgildet, og St Sunniva. Tematisk skal ein vektlegge at det nye fylkesvåpenet speglar vilje til demokrati, folkevald makt og med referanse til vår felles historie.»*

### Bearbeiding av folkefavoritten

Prosjektleiar viser til oversendingsforslag frå Følling, pkt. 2, om folkefavoritten. I møte i FN-AU 4.2.2019 vart det gjort greie for at folkefavoritten ikkje bør førast vidare grunna risiko for konflikt med åndsverkslova. Det er ikkje arbeidd vidare med dette.

### Alternative grønfargar på tilrådd alternativ – tilbydar C natur og landskap

Det er utarbeidd 3 forslag til alternative grønfargar på tilrådd alternativ – tilbydar C natur og landskap. Det er også utarbeidd 1 forslag med anna farge enn grøn.



Prosjektleiar ser at andre fylkes- og kommunevåpen i stor grad held seg til dei heraldiske fargane, og vurderer det førebels som uheldig om fylkesvåpenet ikkje skulle harmonere med dei fleste andre fylkes- og kommunevåpen. Prosjektleiar ser at andre samansetningar av dei heraldiske fargane kan utarbeidast som alternativ, og arbeidar no med alternativvurderingar der ikkje kun grøn vert nytta. Det vil verte lagt fram endeleg tilråding til møte i Arbeidsutvalet til Fellesnemnda (FN-AU) 29.4.2019.

### ***Ny variant av vinnarforslaget***

Prosjektlear er vorte kjend med ein variant av vinnarforslaget, utarbeidd av designbyrået sjølv. Varianten er vurdert til å ha potensiale til å kunne styrke vinnarforslaget.



Prosjektlear vurderer den til å være tydeleg, og atkjenneleg. Det vert rådd til at varianten vert teke med vidare, og at det vert utarbeidd fleire fargeforslag av den.



## Nye forslag til fylkesvåpen

### Motivtilfanget


I møte 4.2.2019 i Fellesnemnda sitt arbeidsutval (FN-AU) vart det orientert om utfordringane med å identifisere høvelege motiv knytt til St. Sunniva og Onarheimsseglet, medan eit rikt motivtilfang knytt til Gulatinget vart identifisert. Prosjektleiari har lagt dette til grunn, og utvikla følgjande motivtilfang:

#### Gulating – landskap og situasjon



Frå venstre: talar og tilhøyrarar, Gulatingskrossen, 3 «fylki»/veband og «kongabui»

#### Gulating – Gulatingsseglet




Frå venstre: Gulatingseglet, rekonstruert Gulatingsegl, Gulatingstjerna, stjerne og måne frå seglet, lovseiemannen frå seglet, septeret frå seglet.

#### Gulating – folkekunsten




Motiv frå folkekunsten, eller inspirert av folkekunsten, sett saman i komposisjon for å fortelje om Gulatinget eller om vern.

*Gulating – leidang og folkeforsvar*




Leidangen i ulike variantar, runepinnen frå Bryggen med leidangen, og døme på vete.

*Gulating – Lov og Lagabøte*



Frå venstre: Bokstaven «thorn» som opnar Gulatingslova, logoen til verdsarvstaden Thingvellir, ulike liljer og våpenskjold som viser til lov-kunnige på Vestlandet i mellomalderen.

*Gulating – døme på kombinerings*



Til venstre 2 liljer og Gulatingstjerne, til høgre 3 sverd i liljekrans.

### Frå motivtilfang til motivforslag

Det vart sett saman ei ressursgruppe, for kvalitetsikring og innspel, til ei første siling av motivtilfanget. Ressursgruppa har kompetanse på heraldikk, historie, folkekunst, diplom og mellomaldersegl, og besto av:

Jørn Øyrehagen Sunde – Universitetet i Bergen  
 Marianne Herfindal Johannesen – Statsarkivet  
 Jo Rune Utgulen – Statsarkivet  
 Yngve Nedrebø – Statsarkivet  
 Gunhild Systad – tidl. Direktør Sunnfjord Museum  
 Anne Hopland – dagleg leiar Tusenårstaden Gulating

Prosjektleiar har lagt til grunn fellesnemnda sine oversendingsforslag. Der heiter det at det skal vektleggjast at det nye fylkesvåpenet skal spegle

- Vilje til demokrati
- Folkevald makt
- Referanse til vår felles historie

Det følgjer av dette at eit våpenforslag må ha potensiale til å kunne vise identitet. Det må kunne vise fortid og samstundes peike framover. Våpenforslaget bør kunne

- vise identitet, og både historie og framtid: halde fast og vise kontinuitet i staden for brot
- spegle alle innbyggjarar og folkegrupper
- spegle den store breidda og heilskapen i politikken
- spegle demokratiet si grunnrørsle nedanfrå og opp

Det er også lagt til grunn at våpenforslag må ha potensial til å kunne vere i tråd med heraldisk tradisjon, slik at Vestland sitt fylkesvåpen finn sin plass mellom andre kommune- og fylkesvåpen på ein god måte. Det er lagt vekt på at forslaga skal




- ha eitt motiv
- ha ein farge
- ha eit metall
- være forståeleg på avstand og i fart
- være forståeleg i stort og lite format

I arbeidet med motivforslag viste det seg at ei rekkje av dei var utfordrande å få til å vere i tråd med Fellesnemnda si bestilling, og det som er lagt til grunn ovafor. Dei som hadde størst potensiale som Fylkesvåpen vart prioritert.

Den konkrete utarbeidinga av nye motivforslag var eit samarbeid mellom vinnaren av designkonkurransen, Neue designbyrå, og Prosjektleiar.

## Dei nye motivforslaga

Prosjektlear legg fram 3 motivforslag som kan utarbeidast som alternativ til dei eksisterande forslaga til fylkesvåpen for Vestland fylkeskommune. Til kvart av forslaga er ei utgreiing av kva forslaget framstiller og kva potensial det har som fylkesvåpen.

<p><b>Forslag A</b></p> <p>Gulating – landskapet</p>		<p>Forslaget viser det overordna landskapet i Gulen. Det er uvisst nøyaktig kvar Gulatinget vart halde, det kan også ha vore flytta. Motivforslaget viser dei dominerande landskapstrekk i området når ein kjem sjøvegen, som representantane gjorde. På denne måten framstiller forslaget det Gulatings-representantane såg, og plasserer betraktaren i notid i same posisjon.</p> <p>Prosjektlear vurderer forslaget som vakkert og særeige, og med kobling til Gulating. Det er til dels utfordrande å få forslaget til å svare til alle krav.</p>
<p><b>Forslag B</b></p> <p>Gulating – 3 styrer saman</p>		<p>Forslaget viser at Fjordane, Hordaland og Sogn koplar seg. Motivforslaget er inspirert av folkekunsten si kopling av elementære figurar, og er framstilt i generell form.</p> <p>Prosjektlear vurderer forslaget som tydeleg og visuelt sterkt. Forslaget er historieforteljande, med ei god kopling til Gulating.</p> <p>Forslaget har potensiale for å kunne fungere i abstrakt form, som her, og har potensiale for å kunne fungere figurativt, jf. neste avsnitt.</p>
<p><b>Forslag C</b></p> <p>Gulating – 3 styrer saman</p>		<p>Forslaget viser at Fjordane, Hordaland og Sogn samlar seg til ein fylkeskommune, og gjev vekst (blomst).</p> <p>Prosjektlear vurderer forslaget som attkjenneleg og visuelt sterkt. Forslaget er historieforteljande, og viser Gulating i fortid og fylkeskommunen i framtid på ein klar måte.</p> <p>Forslaget har potensiale for å kunne fungere i abstrakt form, og for å kunne fungere figurativt. Forslaget byggjer på eit rikt motivtilfang i den høgverdige arkitekturen og kunsten, og i den folkelege kunsten på vestlandet, jf. neste avsnitt.</p>

## Vidare utvikling av motivforslaga

### Forslag A – Landskapet kring Gulating



Forslaget viser til noko naturgjeve, og har relativt strengare rammer for utvikling enn dei andre forslaga. Forslaget kan samstundes utformast på fleire måtar, som vist ovafor.

### Forslag B – 3 styrer saman



Nordfjord folkemuseum



Hardanger og Voss museum



Forslaget er inspirert av komposisjonsprinsippa i folkekunsten, og har potensiale for både abstrakt og figurativ utforming.



### Forslag C – 3 styrer saman



Alternativet byggjer på ein rik motivtradisjon, og er kjend i talrike variantar, i både enkel og avansert form. Øvst er 2 skrin og ein mynt frå 900-talet, lengst til høgre detalj frå lektoriet i Kinn kirke, nedst eit gotisk vindauge, trepass i gavlen til eit sveitserhus, og dekor på hardingfele. Den sterke grunnforma gjer det mogeleg å stå svært fritt i val av fargekombinasjonar og komposisjonar innafør den heraldiske tradisjon. Ein interessant komposisjon er lektoriet i Kinn kirke, der ringen omsluttar og går opp i 3 like blad i ein perpetuum mobile.

### Samandrag

Prosjektleiar legg opp til følgjande prosess vidare:

1. Variant av det tilrådde alternativet – tilbydar C natur og landskap - vert lagt til grunn for utarbeiding av fargealternativ. Arbeidet med alternative grønfargar av vinnarforslaget vert ført vidare. Ei tilråding som ser vinnarforslaget, varianten og fargealternativ i samanheng vert lagt fram for Fellesnemnda sitt arbeidsutval (FN-AU).
2. Dei 3 nye motivforslaga knytt til Gulating vert utarbeidd og ferdigstilte slik det kjem fram i saksutgreiinga. Det vert forsøkt utarbeidd både abstrakt og figurative varianta. Det vert lagt fram sak til Fellesnemnda sitt arbeidsutval (FN-AU) med tilråding om kva for eitt av dei nye alternativa som skal leggjast fram for Fellesnemnda.

Arkivnr: 2018/16486-34

Saksbehandlar: Bertil Søfteland

**Saksframlegg****Saksgang**

Utval	Saknr.	Møtedato
Fellesnemnda-AU	12/19	26.03.2019

**Reglement for klagenemnd, administrasjonsutval og medverknadsorgan****Samandrag**

I FN-AU sitt møte 04.02.2019 blei det i PS 06/19 lagt fram sak om utarbeiding av reglement for folkevalde organ i Vestland fylkeskommune. Prosjektleiar sitt forslag vart samrøystes vedteke og saka FN-AU tok saka til drøfting og orientering. Saka var deretter lagt fram for Fellesnemnda som melding den 14.02.2019.

Prosjektleiar er no i prosess med å utarbeide reglement for det nye fylkets råd og utval, og vil gjennom våren leggja fram reglement for alle råd og utval som skal liggje under Vestland fylkeskommune. Reglementet for dei ulike utvala skal i all hovudsak leggje rammar for samansetting, mandat og fylkets ansvar på det aktuelle område. I tillegg vil reglement for saksbehandling og delegering verte lagt fram når det er klårt.

I denne saka vil FN-AU verte presentert for tre reglement:

- Reglement for administrasjonsutvalet
- Reglement for klagenemnd
- Reglement for medverknadsorgana

Prosjektleiar ber FN-AU om å gje prosjektleiar fullmakt til å arbeide vidare med reglement på grunnlag av de innspel FN-AU gjer i møte.

Prosjektleiar ber FN-AU også om innspel til korleis framtidig reglement kan byggjast opp i forhold til struktur og tilgjengelegheit.

**Forslag til vedtak**

FN-AU gjev prosjektleiar fullmakt til å arbeide vidare med reglement på grunnlag av de innspel FN-AU gjev i møte.

Rune Haugsdal  
prosjektleiar

*Saksframlegget er godkjent elektronisk og har derfor inga underskrift.*

**Vedlegg**

- 1 Reglement for klagenemnd
- 2 Reglement for administrasjonsutval
- 3 Reglement for medverknadsorgan

## Prosjektleiar, 18.03.2019

### 1. Bakgrunn for saka

Fellesnemnda vedtok i FN-sak 22/18 følgjande struktur for faste politiske hovudutval:

- Hovudutval for samferdsel og mobilitet.
- Hovudutval for opplæring og kompetanse.
- Hovudutval for næring, naturressursar og innovasjon.
- Hovudutval for kultur, idrett og integrering.

I FN-sak 35/18 vart det vedteke kva lovpålagde utval som skal opprettast i tillegg til hovudutvala:

- a. Kontrollutval, jf. kommunelova § 27
- b. Administrasjonsutval, jf. kommunelova § 25, Hovudavtalen del B § 4
- c. Råd for menneske med nedsett funksjonsevne, jf. lov om råd eller anna representasjonsordning i kommunar og fylkeskommunar for menneske med nedsett funksjonsevne. Ny kommunelov omtalar dette organet i § 5-2 c.
- d. Råd for eldre, jf. lov om kommunale og fylkeskommunale eldreråd, kap. 2. Ny kommunelov omtalar dette organet i § 5-2 c.
- e. Ungdomsråd eller anna medverknadsorgan for ungdom, jf. fylkesting for ungdom. Ny kommunelov omtalar dette organet i § 5-2 c.
- f. Klagenemnd, jf. lov om behandlingssaker § 28, anna ledd.
- g. Fylkesvalsstyre, jf. lov om val til Stortinget, fylkesting og kommunestyre.

I tillegg har fellesnemnda vedteke å opprette;

- a. Finansutval
- b. Planutval
- c. Trafikktryggingsutval
- d. Valnemnd

I FN-AU-sak 6/2019 vart det presentert kva reglement for folkevalde organ skal omfatte. Dette er følgjande:

«§ 5-13.Reglement for folkevalgte organer

Folkevalgte organer skal ha et reglement som fastsetter

- a) organets virkeområde og eventuelle vedtaksmyndighet
- b) tidsperioden som organet er opprettet for
- c) eventuelle andre sentrale bestemmelser om organets virksomhet»

Reglement skal og ta omsyn til delegering og innstilling samt regler om sakshandsaming, jf. ny kommunelov §§ 5-14 og 11-12.

I samsvar med dette vedtaket legg prosjektleiar no fram reglement for administrasjonsutval, klagenemnd og medverknadsorgana: råd for eldre, råd for menneske med nedsett funksjonsevne og ungdomsråd. I tillegg til prosjektleiar i denne saka orientere om ulike måter å bygge opp reglement i forhold til struktur og tilgjengelegheit.

I den vidare prosessen vil prosjektleiar legge fram følgjande reglement til neste møte i FN-AU 29.04.2019:

- Hovudutval for samferdsel og mobilitet.
- Hovudutval for opplæring og kompetanse.
- Hovudutval for næring, naturressursar og innovasjon.

- Hovudutval for kultur, idrett og integrering.
- Fylkesvalstyre
- Finansutval
- Planutval
- Trafikktryggingsutval
- Valnemnd

Til møte i FN-AU 13.05.2019 skal reglement om sakshandsaming og delegering frå fylkestinget til folkevalde organ og fylkesrådmann vere klårt. Til slutt vil prosjektleiar presentere eit fullstendig reglement i FN-AU sitt møte 11.06.2019.

#### Oversikt over framdriftsplan for reglement for folkevalde organ:

Emne	FN-AU 26.3	FN-AU 29.4	FN-AU 13.5	FN-AU 11.6
Reglement for administrasjonsutvalet	X			
Reglement for klagenemnd	X			
Reglement for medverknadsorgan	X			
Hovudutval for kultur, idrett og integrering		X		
Hovudutval for samferdsel og mobilitet		X		
Hovudutval for opplæring og kompetanse		X		
Hovudutval for næring, naturressursar og innovasjon		X		
Reglement for Fylkesvalstyre		X		
Reglement for Finansutval		X		
Reglement for Planutval		X		
Reglement for Trafikktryggingsutval		X		
Reglement for Valnemnd		X		
Reglement om sakshandsaming			X	
Reglement om delegering frå fylkestinget til folkevalde organ og fylkesrådmann			X	
Framlegg om fullstendig reglement				X

## 2. Modell for oppbygging av reglement og retningslinjer – døme frå Trøndelag fylkeskommune

Slik prosessen med å ferdigstille eit fullstendig reglement for Vestland fylkeskommune er beskrevet ovanfor, inneber det at reglementet vil verte produsert over ein lengre tidsperiode og FN-AU vil difor få reglementet i fleire omgangar.

Prosjektleiar ønskjer at reglementet og retningslinjer for dei folkevalde i Vestland fylkeskommune skal vere brukarvennleg og tydeleg for alle samstundes som det skal vere enkelt å ha oversikt over kor ein finn dei ulike delane av det.

Prosjektleiar ønskjer på den bakgrunn å vise korleis reglement i Hordaland, Sogn og Fjordane, Trøndelag og Rogaland er oppbygd. Prosjektleiar ønskjer å få innspel frå FN-AU på korleis reglement for Vestland fylkeskommune best kan byggjast opp.

### Hordaland fylkeskommune

Hordland fylkeskommune sitt reglement er organisert i eitt dokument. Dette inneber at reglementet er bygt opp etter denne strukturen:

**A. Reglement for folkevalde organ**

Her ligg reglement for fylkesting, fylkesutval, alle hovudutvala samt klagenemnd, administrasjonsutval, kontrollutval og fylkesvalsstyre.

Inn under dette punkt finn ein og reglement for saksbehandling. Reglementet gjeld for folkevalde organ så langt fylkestinget ikkje har vedteke noko anna.

**B. Andre organ**

Her ligg reglement for medverknadsorgana. Dei er skilt ut kvar for seg og følge reglement for sakbehandling so langt det passar.

**C. Delegasjon til fylkesrådmann****D. Delegasjon etter særlov****E. Delegasjon på vegsektoren**

Delegering i økonomisaker er skilt ut i eige reglement. Det same gjeld dei etiske retningslinene, reglement for godtgjersle og retningsliner for oppnemning av styrerepresentantar.

Det store hovudreglementet er ikkje delt opp slik at ein kan finne igjen konkrete reglar for kvart av utval der ein finn anna relevant informasjon på fylkets heimeside.

Fordelen med ei slik oppbygging er at ein har samla alt på ein stad, og at ein difor ikkje trong leita på fleire system eller nettsider. Utfordringa ligg i at ein kan måtte enda opp med å bla ein del samt at det da kan vere vanskeleg å finne fram i dokument. Det er til ein viss grad «klikkbart», men ut frå dei tekniske moglegheita ein har i dag, så burde det vore ei betre løysning.

**Sogn og Fjordane fylkeskommune**

Sogn og Fjordane fylkeskommune sine politiske reglement er organisert i mange ulike dokument.

- Reglement for folkevalde organ: Det er eigne reglement for alle dei tre hovudutvala, fylkesutvalet, fylkestinget, kontrollutvalet, hovudsamarbeidsutvalet, fylkesrådet for eldre, fylkesrådet for menneske med nedsett funksjonsevne og fylkestrafikktryggingutvalet. Ungdomspolitisk utval har eigne vedtekter, som er vedtekne av fylkestinget for ungdom.
- I tillegg er det eit eige reglement for «sakshandsaming i politiske utval», som omhandlar sakshandsaminga i alle dei folkevalde organa med unntak av fylkestinget, sidan reglementet for fylkestinget inneheld sakshandsamingsreglane for fylkestingsseta.
- Delegerings- og innstillingsreglementet er eit eige dokument. Reglementet inneheld generelle reglar om delegering og delegering etter lover og forskrifter, samt eit punkt om innstillingsinstituttet.
- Alle dei nemnde reglementa/vedtektene er tilgjengeleg på fylkeskommunen sine heimesider under «Politikk»: <https://www.sjf.no/politikk.333189.nn.html>
- I tillegg har fylkeskommunen eit eige budsjettreglement og eit eigne finansreglement.

Det er forholdsvis lett å finne fram til dei ulike reglementa sjølv om dei ikkje ligg samla på same side på heimesidene. Reglementa kunne likevel med fordel vore samla på éi og same side.

Dei fleste av reglementa er korte og lesevenlege. Dette gjeld ikkje delegerings- og innstillingsreglementet (37 sider), som burde hatt ei klikkbar innhaldsforsteikning for å gjere det enklare å finne fram i dokumentet.

**Trøndelag fylkeskommune**

Trøndelag fylkeskommune har laga ei eiga side på sitt heimområde som heite «Reglement og retningslinjer». Dei har valt å samla alle politiske utval, råd og nemnder inn i ulike hovuddokument. Andre særlege råd som eldreråd, integreringsråd osv. er skilt ut. Reglement er delt opp etter tema slik at ein kan vel kva ein vil klikka seg inn på.

Øvst har dei eit dokument som heiter «Forretningsorden for fylkesting, fylkesutval og hovudutval». Anna særlege råd og utval er så delt inn i ulike dokument, før ein finn reglement for delegering og ansvar samt eit eige økonomireglement.

Den store fordel med ein sånn struktur er at sjølv om ikkje alt ligg i eitt dokument, så finn ein alle reglar og relevante lovar og retningsliner på ein plass. Det som har felles reglar ligg saman, og det som ikkje har ein relevant plass, til dømes under reglement for delegering og ansvar og myndighet, blir tydeleg skilt ut.

Utfordringa kan likevel også her vere at ein må leite for å finne fram i dei største hovuddokumenta.

### **Rogaland fylkeskommune**

Når ein går inn på heimesida til Rogaland fylkeskommune vil ein måtte klikka på fana «Politikk», deretter «For politikarar» før ein kjem inn på den sida kor ein finn reglementet under «Ansvar og myndighet i Rogaland fylkeskommune». Rogaland har valt å samle heile reglement inn i eitt. Dette inkludera delegasjon for alle råd og utval, forretningsorden for alle råd og utval, fylkesrådmann sine fullmakter og generell myndighet etter særlovgeving. Det er eit viktig poeng i denne samanheng at det under kvart hovudutval og er lista opp dei vesentlege særlova som utvalet anten har fått i form av delegasjon eller fullmakt eller lov.

Rogland sitt reglement har ein tydeleg profil der alt skal vere samla på sama stad. Det er ikkje naudsynt å trykke seg inn i fleire dokument for å finne det man eventuelt er ute etter.

Utfordringa med Rogland sitt er at reglementet er på 72 sider. Det kan vere overveldande å finne fram sjølv om det er lagt inn hyperlinkar i innholdsfortegnelsen.

Prosjektlear ber FN-AU om innspel om korleis reglement best kan byggjast opp.

### **3. Reglement for administrasjonsutvalet**

Administrasjonsutvalet sitt arbeidsområde er saker som gjeld tilsetjings- og arbeidsvilkår for dei tilsette i fylkeskommunen. Utvalet skal handsama saker som gjeld tilhøvet mellom fylkeskommunen som arbeidsgjevar og dei tilsette.

Samansetjinga av utvalet er gjort i samsvar med vedtak gjort av FN-AU i sak 6/19 kor utvalet skal ha 11 medlemmar kor 6 er representantar for arbeidsgjevar og 5 er representantar for dei tilsette. Vidare er utvalets mandat er delt opp i tre delar og skil mellom saker kor utvalet har avgjerdsmynde, rådgjevande rolle og andre oppgåver. Prosjektlear vil framheva at det under punkt 2 a kulepunkt 4 er innarbeida avgjerdsmynde i saker og spørsmål om likestilling, likeverd og mangfald slik det blei vedteke i 6/19.

Prosjektlear rår til at reglementet godkjennast av FN-AU slik det ligg føre.

### **4. Reglement for klagenemnd**

Klagenemnda er oppretta i medhald av Lov om behandlingssaker (forvaltningslova) § 28, 2. ledd, og er klageinstans for enkeltvedtak som er treft av fylkeskommunalt organ oppretta i medhald av Lov om kommunar og fylkeskommunar (kommunelova). Dette gjeld likevel ikkje vedtak gjort av fylkestinget.

Ved samansetjinga av klagenemnda er det teke utgangspunkt i Hordaland fylkeskommune sitt gjeldande reglement. Sogn og Fjordane har klagenemnd bestående av fylkesutvalet og har ikkje eige reglement for klagenemnd. Hordaland har per i dag 5 medlemmar med varamedlem valt av fylkestinget. I sak 6/19 blei det vedteke at hovudutval, fylkesutval og fylkesting vert utvida, og prosjektlear finn det hensiktsmessig at også klagenemnda utvidast.

Prosjektleiari rår til at nemnda får 7 medlemmar med varamedlem vald av fylkestinget. Fylkestinget skal og velje leiar og nestleiar.

Det er ved undersøking av reglement for klagenemnd i dei andre fylka observert at det er særst varierende kor mykje ein vel regulera når det kjem til nemndas mandat og lovfesta kompetanse. Til dømes har Trøndelag fylkeskommune og Akershus fylkeskommune to kulepunkt som beskriv mandatet til nemnda og vise elles til forvaltningslovas reglar. Bakgrunn for dette kan vere at klageorgan i forvaltninga er strengt lovregulert og at det difor ikkje anses naudsynt med omfattande regulering i fylkets reglement. Nordland- og Finnmark fylkeskommune har på den anna sida ein meir utfyllande regulering av mellom anna nemndas møtevirksomheit, kompetanse og habilitet.

Prosjektleiari meiner at klagenemndas mandat har ein viktig forvaltningsrettsleg rolle og rår til at klagenemndas reglement på denne bakgrunn bør innehalde avklaringar rundt nemndas kompetanse, grunnleggjering og rett til omgjering.

Prosjektleiari rår til at reglementet godkjennast av FN-AU slik det ligg føre.

## 5. Reglement for medverknadsorgana

Medverknadsorgana Fylkeseldrerådet, rådet for menneske med nedsett funksjonsevne og ungdommens fylkesting skal ha ei rådgjevande rolle i den fylkeskommunale verksemda og skal ha rett til å uttale seg i saker som gjeld eldre, personer med funksjonsnedsetting og ungdom. Medverknadsorgana er heimla i kml. § 5-12 og organas oppgåver, saksbehandling og organisering blir regulert i forskrift gitt av departementet. Forskrifta er no ute på høyring, og reglementet er skreve med atterhald om endringar etter at høyringsfristen ute.

Forskrifta trår i kraft ved det konstituerande møte i Vestland fylkeskommune 15. oktober 2019.

Slik rettstilstanden ligg føre i dag er medverknadsorgan for eldre og menneske med nedsett funksjonsevne regulert i forskjellig lover, medan råd for ungdom ikkje er lovfesta. Det føreligg soleis tre ulike reglement, noko som er gjengs i dei fleste fylka i dag. Alle dei tre medverknadsorgana skal no lovfestas under eitt og ei av lovgjevares målsetjingar er at dei skal regulerast likt og ha dei same moglegheitane for medverknad opp mot dei politiske utvala. Prosjektleiari meiner difor at den mest hensiktsmessig måten å gjere det på er å samle medverknadsorgana i eitt samla reglement. Samansetjing av medverknadsorgana er gjort i samsvar med erfaring, geografisk spredning og uttrykkele ønskje frå råda slik det kom fram under deira innspelsmøte, jf. vedlegg i sak 6/19.

### a) Særleg om samansetjing

Fylkeseldrerådet (FYEL) vil ha ei samansetjing på ni medlemmer oppnemnde av fylkestinget. To av medlemmane skal vere fylkestingsrepresentantar og syv medlemmar vert valde etter forslag frå fylkesomfattande pensjonistforeiningar. Fleirtalet av medlemmane i fylkeseldrerådet skal på valtidspunktet ha fylt 60 år. Rådet peikar sjølv ut leiar og nestleiar, som skal veljast ut mellom medlemmane. Val av leiar og nestleiar skal skje ved fleirtalsval. Fylkeseldrerådet vert vald for den fylkeskommunale valperioden.

Råd for menneske med nedsett funksjonsevne (RMNF) vil ha ei samansetjing på ni medlemmar oppnemnde av fylkestinget. Fire av medlemmane skal vere fylkestingsrepresentantar og fem medlemmar vert valde etter forslag frå organisasjonar som representerer menneske med nedsett funksjonsevne. Rådet for menneske med nedsett funksjonsevne peikar sjølv ut leiar og nestleiar, som skal veljast ut mellom medlemmane. Val av leiar og nestleiar skal skje ved fleirtalsval. Rådet for menneske med nedsett funksjonsevne vert vald for den fylkeskommunale valperioden.

Samansetjinga av ungdomsråd vil verte noko annleis enn eldrerådet og råd for menneske med nedsett funksjonsevne. Prosjektleiari rår til at ungdomsrådet har den same overordna strukturen som Hordaland og Sogn og Fjordane har i dag. Dette inneber at det skal vere eit fylkesting for ungdom og eit arbeidande

ungdomsutval.

Fylkesting for ungdom skal ha ei samansetjing 86 medlemmer, med to representantar frå alle kommunale ungdomsråd i fylket. Medlemmane av fylkesting for ungdom skal på valtidspunktet ikkje ha fylt 19.

Vestland ungdomsutval er fylkesting for ungdom sitt utførande organ. Utvalet vil bestå av 9 medlemmar. Det skal og verte vald sju varamedlem kor dei tre første har møteplikt. Medlemmane av Vestland ungdomsutval skal på valtidspunktet ikkje ha fylt 19 år. Vestland ungdomsutval peikar sjølv ut leiar og nestleiar som skal veljast ut mellom medlemmane. Varamedlemmar kan ikkje bli vald som leiar eller nestleiar. Vestland ungdomsutval skal ha ein valperiode på inntil to år.

Det har vore knytt særlege spørsmål rundt samansetjing av ungdomsråd, og prosjektleiar registrerar at det er ein debatt om fylkets ungdomsråd bør samansettast av politiske ungdomsparti. Prosjektleiar er ikkje kjent med at andre fylkeskommunar praktisera ein «rein» ungdomspolitisk modell. Det er i dag berre Sogn og Fjordane av fylkeskommunane i dag som har fylkesting for ungdom kor ein opnar for at politiske parti kan stille med delegatar.

Ein ungdomspolitisk modell vil måtte legge til grunn ein demokratisk prosess der alle politiske parti kan stille til val etter nærare reglar.

Det er ikkje tvil om at ein slik modell vil byggje opp under eit større politisk kompetansenivå og kunnskapsnivå blant representantar i eit ungdomsråd som er samansett av ungdomspolitiske parti. Det vil og vere ein fordel at avstanden til moderpartia er kortare og at ein på den måten kan yte medverknad på ein heilt anna måte og på same tid få rådgjevande støtte.

Utfordringa med ein slik modell vil vere å sikre den geografiske spredninga og den avgrensa moglegheita til å delta for alle ungdom. Det er ikkje alle ungdomsparti som har lokallag og/eller fylkeslag, og ein vil kunne få den konsekvens at og ungdommens sin «stemme» blir farga av parti og ikkje av «ungdommane si reelle stemme» i fylket. Det vil og vere ein snever del av ungdomsmassen som er aktuell. Det er ikkje mange som har ei klår oppfatning av kva parti dei høyrer heime i, men som likevel har ei klår oppfatning av kva som er gode saker å kjempe for når det gjeld ungdom. Det vil vere uheldig å fjerne desse «stemmane» og samstundes springe ein risiko for at møteplassen for ungdom i realiteten blir politisk styrt.

Det er likevel slik at fleire av medlemmane i eksempelvis Ungdommens fylkesutval i Hordaland også er medlem i eit ungdomspolitisk parti. Til dømes blei fjorårets leiar no vald inn som første nestleiar i nye Vestland Venstre. Det er og fleire som er medlem i SV, Raudt og Høgre. Slike tilfelle finn ein og i dei fleste andre fylker. Nokre fylker, til dømes Troms, har valt å sette skrankar slik at eit medlem i AU i ungdomsrådet ikkje samstundes kan ha styreverv i eit politisk parti. Prosjektleiar ønskjar ikkje å sette slike skrankar, og meiner det er betre å legge opp til at det grunnleggjande prinsippet i eit medverknadsorgan for ungdom er satt saman av ungdommar frå heile fylket.

Basert på dette vil prosjektleiar frarå ein modell kor ungdom blir vald utifrå partipolitisk tilknytting.

#### b) Medverknadsorgana oppgåver og mandat

Forskrift til ny kommunelov har lagt ned delegasjonssperre frå fylkesting og ned til medverknadsorgana. Fleire stader har det vore praksis at medverknadsorgana rår over små midlar til fordeling. Dette vil ikkje vere mogleg slik forskrifta ligg no, og den einaste avgjerande myndigheita medverknadsorgana vil ha er saker som går på eigen organisasjon, til dømes budsjett. Prosjektleiar er kjent med at det føreligg fleire reaksjonar blant ulike organisasjonar på dette punkt og det er venta at det kjem inn fleire høyringsutspel til departementet.

Medverknadsorgana skal ha ei høgst reell medverknadskraft og dei skal kunne gi råd til fylkeskommunal verksemd med verknad for eldre, menneske med nedsett funksjonsevne og ungdom samt fråsegner



innanfor sitt arbeidsområdet på vegne av organet gje sjølvstendige fråsegner innan sitt arbeidsområde, både til fylkeskommunale organ og eksterne organ. Dette fordrar at administrasjon bidreg til at relevante politiske saker blir presentert for medverknadsorgana.

c) Arbeidsmåte

Felles for alle medverknadsorgana er at dei skal ha minst seks møter kvart år og elles etter behov. Fylkeseldrerådet og råd for menneske med nedsett funksjonsevne kan i tillegg velje å ha eit arbeidsutval (AU) beståande av leiar og nestleiar. AU vil i tilfelle møte i forkant av dei ordinære møta. Dette vil ikkje like aktuelt hjå ungdomsrådet fordi prosjektleiar ser det som meir naudsynt at alle medlemmane får vere med å bidra til avvikling av møte og dermed ha lik moglegheit til personleg og fagleg utvikling. Til samanlikning med eldreråd og råd for menneske med nedsett funksjonsevne, har ikkje ungdomsrådet på langt nær like mykje livserfaring og det er nettopp difor prosjektleiar meiner det her bør vere ein forskjell.

d) Vestland fylke sitt ansvar

Departementet har gjennom forslag til forskrift lagt opp til eit større ansvar ovanfor fylket enn lovgjevinga elles speglar i dag. Vestland fylkeskommune *skal* leggja fram saker som angår eldre, menneske med nedsett funksjonsevne og ungdom på eit så tidleg tidspunkt at rådets uttale kan ha moglegheit til å påverke utfallet av saka. Dette er eit av punktene medverknadsorgana i Hordaland og Sogn og Fjordane har peika på som ein svakheit hjå administrasjonen, og prosjektleiar ser det som positivt at det lovfestast og blir ei konkret ansvarsformulering i reglementet. I den forlenging skal Vestland fylkeskommune bidra til å auka kompetansen til medverknadsorgana i samband med administrative og politiske prosessar.

Vidare *skal* alle medverknadsorgana ha eit tilfredsstillande sekretariat. Det er på dette tidspunkt noko uklårt kva lovgjevar legg i eit «tilfredsstillande sekretariat», og det er kome signal på at dette og er eit punkt som kjem til å bli spilt inn til departementet. Særleg i koordinatornettverk for ungdom er det stilt spørsmål rundt finansiering av eit sekretariat og tilstrekkeleg rådgjeving når kommunar og fylkar skal slås saman. Med eit mykje større geografisk område og spredning av rådsmedlem, så kan ein få ei utfordring med føresetnaden og gjennomføring av lovgjevars krav.

På den bakgrunn at ungdomsrådet ikkje har ei samansetjing som inkludera politikarar, så rår prosjektleiar til at Hordaland si løysing med ein politisk kontaktperson til ungdomsrådet vidareførast.

Prosjektleiar rår til at reglementet godkjennast av FN-AU slik det ligg føre.

# Reglement for klagenemnda

Klagenemnda er eit fylkeskommunalt organ oppretta i medhald av Lov om behandlingssmåten i forvaltningssaker (forvaltningslova) § 28, 2. ledd, og er klageinstans for enkeltvedtak som er treft av fylkeskommunalt organ oppretta i medhald av Lov om kommunar og fylkeskommunar (kommunelova). Dette gjeld likevel ikkje vedtak gjort av fylkestinget.

## 1. Samansetjing

Klagenemnda har 7 medlemmer med varamedlem valde av fylkestinget. Fylkestinget vel leiar og nestleiar.

Av habilitetsomsyn bør ikkje medlemmer i fylkesutvalet og utval med avgjerdsmynde i enkeltsaker veljast til klagenemnda.

## 2. Oppgåver

Klagenemnda tek avgjerd i saker om klage på enkeltvedtak gjort av fylkeskommunalt organ oppretta i medhald av kommunelova, med unntak av fylkestinget. Departementet er klageinstans for vedtak fatta av fylkestinget.

Klagenemnda tek og avgjerd i andre saker der det i lov eller forskrift er fastsett at fylkeskommunen eller fylkeskommunalt organ er klageinstans, og fylkestinget ikkje har lagt dette til andre.

## 3. Saksførebuing

Saksførebuinga skal gjerast i samsvar med reglane i forvaltningslova kapittel VI. Jf. kapittel IV og V.

## 4. Saksbehandling

For klagenemnda gjeld reglement for sakshandsaming så langt det passar.

## 5. Klagenemnda sin kompetanse, grunngjeving og rett til omgjering

### Kompetanse

Klagenemnda sin kompetanse går fram av forvaltningslova § 34.

Det påklaga vedtaket kan avvisast, stadfestast, opphevast eller endrast på dei vilkåra som går fram av lova.

### Grunngjeving

Klagenemnda sitt vedtak skal grunngjevast, jfr. forvaltningslova § 24. Unntak frå plikta til å grunngje vedtaket går fram av lova § 24, 3. ledd.

Gjer klagenemnda vedtak i samsvar med forslag til vedtak frå administrasjonen, er administrasjonen si grunngjeving også fleirtalet si grunngjeving. Tilsvarande gjeld dersom det i møtet er sett fram andre forslag til vedtak med grunngjeving.

Dersom heile eller deler av fleirtalet ikkje kan slutta seg til grunngjevinga frå administrasjonen, eller frå forslagsstillaren, får dei som har røysta for fleirtalsforslaget men ønskjer å gje særgrunngjeving for si røysting, ein kort frist i møtet til å koma med skriftleg røysteforklaring. Dei som ikkje gjev slik røysteforklaring, vert rekna å ha slutta seg til administrasjonen, eller forslagsstillaren, si grunngjeving.

Er skriftleg forslag til grunngjeving ikkje lagt fram i møtet, får den eller dei som har sett fram det forslaget som vart vedteke, ein kort frist i møtet til å utforma ei skriftleg grunngjeving basert på dei synspunkta som vart framførde under handsaminga av saka. Dei andre medlemene som har røysta for vedtaket, får deretter ein ganske kort frist til å koma med eventuelle særmerknader til den grunngjevinga som er gjevne, også dette basert på synspunkt formulert i møtet.

Medlemmer som ikkje har røysta for det forslaget som vart klagenemnda sitt vedtak, har ikkje grunngjevingsplikt. Dei kan likevel koma med skriftlege røysteforklaringar eller protokolltilføringar dersom dei varslar om dette i møtet og gjer greie for kva slik røysteforklaring vil innehalda.

Omgjering

Klagenemnda kan av eige tiltak gjera om vedtaket sitt i samsvar med reglane i forvaltningslova § 35.

## Reglement for administrasjonsutvalet

Administrasjonsutvalet sitt arbeidsområde er saker som gjeld tilsetjings- og arbeidsvilkår for dei tilsette i fylkeskommunen. Utvalet skal handsama saker som gjeld tilhøvet mellom fylkeskommunen som arbeidsgjevar og dei tilsette.

Arbeidsgjevar og dei tilsette sine representantar kan avtala at slike saker skal behandlast på annan måte, jfr. kommunelova § 5-11.

### 1. Samansetjing

Administrasjonsutvalet har 11 medlemmer, 6 representantar for arbeidsgjevar og 5 representantar for dei tilsette.

Arbeidsgjevarrepresentantane med varamedlemer er medlemmer og varamedlemer i fylkesutvalet. 5 medlemmer med personlege varamedlemer vert valde av og blant dei tilsette. For de tilsettes representantar gjeld valbarhetsreglane i kml. §§ 7-2 og 7-3, bortsett frå krav om bustad.

Leiar og nestleiar av administrasjonsutvalet vert valde av fylkestinget. Fylkesordførar eller fylkesvaraordførar kan veljast som leiar.

### 2. Oppgåver

a. Saker der utvalet har avgjerdsmynde

- personalforvaltning og organisasjonsutvikling så langt det ikkje er lagt til andre
- tolking og praktisering av avtaler og reglement som vedkjem arbeidstakarane sine løns- og arbeidsvilkår
- spørsmål om helse, miljø og tryggleik (HMT)
- saker og spørsmål om likestilling, likeverd og mangfald
- saker som overordna organ delegerer til administrasjonsutvalet

b. Saker der utvalet gjev tilråding

- rasjonaliserings- og effektiviseringstiltak
- reglement som gjeld tilsette i fylkeskommunen
- andre spørsmål som overordna organ legg fram for administrasjonsutvalet

c. Andre oppgåver

- Saker som etter hovudavtalen er lagt til administrasjonsutvalet

### 3. Saksbehandling

For administrasjonsutvalet gjeld Reglement for saksbehandling.

# Reglement for medverknadsorgana

Medverknadsorgana Fylkeseldrerådet, rådet for menneske med nedsett funksjonsevne og ungdommens fylkesting skal ha ei rådgjevande rolle i den fylkeskommunale verksemda og skal ha rett til å uttale seg i saker som gjeld eldre, personer med funksjonsnedsetting og ungdom. Medverknadsorgana er heimla i kml. § 5-12 og organas oppgåver, saksbehandling og organisering blir regulert i forskrift gitt av departementet. Forskrifta er no ute på høyring, og reglementet er skreve med atterhald om endringar etter at høyringsfristen ute.

Forskrifta trår i kraft ved det konstituerande møte i Vestland fylkeskommune.

## 1. Samansetjing

### Fylkeseldrerådet

Rådet skal ha ni medlemmar oppnemnde av fylkestinget. To av medlemmane skal vere fylkestingsrepresentantar og syv medlemmar vert valde etter forslag frå fylkesomfattande pensjonistforeiningar. Fleirtalet av medlemmane i fylkeseldrerådet skal på valtidspunktet ha fylt 60 år.

Rådet peikar sjølv ut leiar og nestleiar, som skal veljast ut mellom medlemmane. Val av leiar og nestleiar skal skje ved fleirtalsval.

Fylkeseldrerådet vert vald for den fylkeskommunale valperioden.

### Rådet for menneske med nedsett funksjonsevne

Rådet skal ha ni medlemmar oppnemnde av fylkestinget. Fire av medlemmane skal vere fylkestingsrepresentantar og fem medlemmar vert valde etter forslag frå organisasjonar som representerer menneske med nedsett funksjonsevne.

Rådet for menneske med nedsett funksjonsevne peikar sjølv ut leiar og nestleiar, som skal veljast ut mellom medlemmane. Val av leiar og nestleiar skal skje ved fleirtalsval.

Rådet for menneske med nedsett funksjonsevne vert vald for den fylkeskommunale valperioden.

### Fylkesting for ungdom og Vestland ungdomsutval

Fylkesting for ungdom har 86 medlemmer, med to representantar frå alle kommunale ungdomsråd i fylket. Medlemmane av fylkesting for ungdom skal på valtidspunktet ikkje ha fylt 19.

Vestland ungdomsutval er fylkesting for ungdom sitt utførande organ. Utvalet skal bestå av 9 medlemmar. Det skal og verte vald sju varamedlem kor dei tre første har møteplikt. Medlemmane av Vestland ungdomsutval skal på valtidspunktet ikkje ha fylt 19 år.

Vestland ungdomsutval peikar sjølv ut leiar og nestleiar som skal veljast ut mellom medlemmane. Varamedlemmar kan ikkje bli vald som leiar eller nestleiar.

Vestland ungdomsutval skal ha ein valperiode på inntil to år.

## 2. Oppgåver

- a. Medverknadsorgana kan innafor sitt arbeidsområde
  - Gi fråsegn til forslag til økonomiplan og årsbudsjett
  - Gi fråsegn til regionale planar som angår eldre, personer med funksjonsnedsetting og ungdom
  - Gi fråsegn til saker som fylkeskommunale organ legg fram
  - Gi råd i alle saker som gjeld levevilkår for eldre, menneske med nedsett funksjonsevne og ungdom knytt til fylkeskommunal verksemd.
  - Arbeide for å utvikle eigen organisasjon og verksemd.

Medverknadsorgana kan på eige initiativ ta opp saker som er relatert til fylkeskommunal verksemd.

Årsmelding frå medverknadsorgana vert lagt fram for fylkestinget innan 01. juli kvart år. Fylkesting for ungdom skal i tillegg leggje fram protokoll frå fylkesting for ungdom samt det nye handlingsprogrammet.

Medverknadsorgana skal ikkje handsama sakar som gjeld enkeltpersonar.

- b. Saker der medverknadsorgana har avgjerdsmynde
  - Saker som gjeld eigen organisasjon, til dømes budsjett.
- c. Saker der medverknadsorgana gjev tilråding
  - Saker til fylkeskommunal verksemd med verknad for eldre, menneske med nedsett funksjonsevne og ungdom.
- d. Fråsegner
  - Medverknadsorgana kan innanfor sitt arbeidsområdet på vegne av organet gje sjølvstendige fråsegner innan sitt arbeidsområde, både til fylkeskommunale organ og eksterne organ.

### 3. Arbeidsform

Medverknadsorgana skal ha minst seks møter kvart år og elles etter behov. Fylkeseldrerådet og råd for menneske med nedsett funksjonsevne kan i tillegg velje å ha eit arbeidsutval (AU) bestående av leiar og nestleiar. AU vil i tilfelle møte i forkant av dei ordinære møta.

Dersom det ikkje er mogleg å møtast til eit fysisk møte skal møte avviklast i tråd med kml. § 11-7 om fjernmøte.

Vestland fylkeskommune sitt ansvar er å:

- Leggja fram saker som angår eldre, menneske med nedsett funksjonsevne og ungdom på eit så tidleg tidspunkt at rådets uttale kan ha moglegheit til å påverke utfallet av saka.
- Auka kompetansen til medverknadsorgana i samband med administrative og politiske prosessar.
- Sørge for eit tilfredsstillande sekretariat slik det kjem fram av kml. § 5-12 og forskrift knytt til denne.
- Oppnemna ein politisk kontaktperson for ungdommens fylkesting.

### 4. Saksbehandling

For medverknadsorgana gjeld reglementet for sakhandsaming så langt det passar.